

主編 趙曉梅
副主編 土登班瑪

中國密宗大典



中國藏學出版社
新西蘭霍蘭德出版有限公司



漢文篇 ● 第 8 冊

中國密宗大典

趙
樣
初
題



中國藏學出版社
新西蘭霍蘭德出版有限公司

華嚴海印道場九會請佛儀

今欲發心洗滌罪垢。加功用行。證入妙境。要對十方一切賢聖。今爲證盟。雖諸佛聖賢無所不在。若不虔請對而不現。故須依智離識。常作佛想。心清智明。理隨事變。卽常見佛名淨緣起。爲請佛也。故此經云。譬如日出普照世間。於一切淨水器中影無不現。佛日亦爾。普現法界。無前無後。一切衆生淨器中。佛無不現。以我所修功德力。無盡三寶攝受。力法界自性緣起力。秘密呪印威神力。同共發願。五濁末世。後五百歲闕諍時中。及我法界衆生海。爲欲清淨帝網。重重種種煩惱障業障見障報障等。今應燒香散華。一心正念口稱諸佛菩薩名字。一一啓請衆等不得輕慢散亂。

第一會

香華請

一心奉請大方廣佛華嚴經中華藏世界海第一法界菩提場中眞應交徹一多自在無盡身雲十身無礙本尊毗盧遮那如來十佛剎微塵數道場一切海衆惟願不捨慈悲降臨道場受我供養。惟願下衆和後同

香華請

一心奉請大方廣佛華嚴經中舉果勸樂生信分法門惟願文文契意句句冥心顯現道場受我供養

香華請

一心奉請菩提場內菩提樹中俱時出現一切菩薩摩訶薩。又宮殿內無邊菩薩摩訶薩及師子座中衆妙寶華輪臺基陛凡諸物像所有莊嚴悉皆顯現。一一佛剎微塵數道場一切海衆惟願不捨慈悲降臨道場受我供養

香華請

一心奉請又此界中一一世主及華藏利海中一一剎內所有世主。又如此華藏世界十方世界盡虛

空界一切利海皆亦如是一切世主惟願不捨慈悲
降臨道場受我供養

香花請

一心奉請華藏世界外十方無盡法界刹海內如是
等億佛刹微塵數諸佛道場一切海衆惟願不捨慈
悲降臨道場受我供養

香花請

一心奉請如來白毫相中刹海微塵數一切菩薩摩
訶薩 又十方各一億世界刹海微塵數一切菩薩
摩訶薩惟願不捨慈悲降臨道場受我供養

香花請

一心奉請此世界中菩提道場初成正覺依正二報
佛果會主普賢菩薩摩訶薩 又十方法界盡虛空
界微塵刹土中一切菩薩摩訶薩惟願不捨慈悲降
臨道場受我供養

香花請

一心奉請華藏世界十不可說佛刹微塵數香水海
中各有十不可說佛刹微塵數世界種一一世界種

各有十不可說佛刹微塵數諸佛道場一切海衆惟
願不捨慈悲降臨道場受我供養

香花請

一心奉請普門淨光明世界海勝因世界最初劫中
一切功德山須彌勝雲佛波羅蜜善眼莊嚴王佛最
勝功德海佛名稱普聞蓮華眼幢佛等十須彌極微
塵數諸佛道場一切海衆惟願不捨慈悲降臨道場
受我供養

香花請

一心奉請普門淨光世界最初劫中圓器上根一生
滿多劫果大威光太子等百萬億伴繞王子一切海
衆惟願不捨慈悲降臨道場受我供養

第二會

香花請

一心奉請大方廣佛華嚴經中華藏世界海第二法
界普光明殿重重無盡法界身雲毗盧遮那如來十
刹微塵數道場一切海衆惟願不捨慈悲降臨道場

受我供養

香花請

一心奉請普徧法界一切名號佛刹 又十方各過十刹微塵數世界之外十首菩薩本界佛名不動智佛等十刹微塵數道場一切海衆惟願不捨慈悲降臨道場受我供養

香花請

一心奉請大方廣佛華嚴經中該攝果海十信法門惟願文文契意句句冥心顯現道場受我供養

香花請

一心請奉十信會主文殊師利等十首菩薩摩訶薩又十方法界重重無盡一切十信菩薩摩訶薩惟願不捨慈悲降臨道場受我供養

第三會

香花請

一心奉請大方廣佛華嚴經中華藏世界海第三法界切利天宮重重無盡法界身雲毗盧遮那如來十

刹微塵數道場一切海衆惟願不捨慈悲降臨道場受我供養

香花請

一心奉請十方各過百佛刹微塵數國土外諸世界中十慧菩薩本界佛名殊特月佛等十佛刹微塵數道場一切海衆 又十方各過千佛刹微塵數世界外各有千佛刹微塵數一切加持佛同名法慧佛

又十方各過萬佛刹微塵數世界外各有十佛刹微塵數證法菩薩本界佛同名一切妙法如來 又十方各過十佛刹微塵數世界外各有十佛刹微塵數一切證法佛同名法慧佛惟願不捨慈悲降臨道場受我供養

香花請

一心奉請大方廣佛華嚴經中初賢十住覺滿自在法門惟願文文契意句句冥心顯現道場受我供養

香花請

一心奉請十住會主法慧等十慧菩薩摩訶薩 又十方各過萬佛刹微塵數世界外各有十佛刹微塵

數一切法慧菩薩摩訶薩。又十方法界重重無盡一切十住菩薩摩訶薩。惟願不捨慈悲降臨道場。受我供養。

第四會

香花請

一心奉請大方廣佛華嚴經中華藏世界海第四法界夜摩天宮重重無盡法界身雲毗盧遮那如來十剎微塵數道場一切海衆。惟願不捨慈悲降臨道場。受我供養。

香花請

一心奉請十方各過十萬佛剎微塵數國土外諸世界。中十林菩薩本界佛名常住眼佛等十佛剎微塵數道場一切海衆。又十方各過萬佛剎微塵數世界外有萬佛剎微塵數一切加持佛同名功德林佛。又十方各過十萬佛剎微塵數世界外有十萬佛剎微塵數一切證法。同名普功德佛。惟願不捨慈悲降臨道場。受我供養。

香花請

一心奉請大方廣佛華嚴經中普賢十行無盡深廣法門。惟願文文契意句句冥心顯現道場。受我供養。

香花請

一心奉請十行會主功德林等十林菩薩摩訶薩一切海衆。又十方各過十萬佛剎微塵數世界外有十萬佛剎微塵數證法一切功德林菩薩摩訶薩。又十方法界重重無盡一切十信菩薩摩訶薩。惟願不捨慈悲降臨道場。受我供養。

第五會

香花請

一心奉請大方廣佛華嚴經中華藏世界海第五法界兜率陀天重重無盡法界身雲毗盧遮那如來十剎微塵數道場一切海衆。惟願不捨慈悲降臨道場。受我供養。

香花請

一心奉請十方各過萬佛剎微塵數國土外諸世界。

中十幢菩薩本界佛名無盡幢佛等萬佛刹微塵數道場一切海衆 又十方各過十萬佛刹微塵數世界外各有十萬佛刹微塵數一切加持佛同名金剛幢佛 又十方各過百萬佛刹微塵數世界外各有百萬佛刹微塵數一切證法佛同名金剛幢佛唯願不捨慈悲降臨道場受我供養

香花請

一心奉請大方廣佛華嚴經中上賢十迴向無盡願海法門惟願文文契意句句冥心顯現道場受我供養

香花請

一心奉請十迴向會主金剛幢等十幢菩薩摩訶薩一切海衆 又十方各過百萬佛刹微塵數世界外各有百萬佛刹微塵數證法一切金剛幢菩薩摩訶薩 又十方法界重重無盡一切十迴向菩薩摩訶薩惟願不捨慈悲降臨道場受我供養

第六會

香花請

一心奉請大方廣佛華嚴經中華藏世界海第六法界他化自在天宮重重無盡法界身雲毗盧遮那如來十刹微塵數道場一切海衆惟願不捨慈悲降臨道場受我供養

香花請

一心奉請十方各過十億佛刹微塵數世界外各有十億佛刹微塵數一切加持佛同名金剛藏佛 又十方各過十億佛刹微塵數世界外各有十億佛刹微塵數一切證法佛同名金剛幢佛惟願不捨慈悲降臨道場受我供養

香花請

一心奉請大方廣佛華嚴經中集一切種智功德菩薩行法門惟願文文契意句句冥心顯現道場受我供養

香花請

一心奉請十地會主金剛藏菩薩解脫月菩薩摩訶薩等一切海衆 又十方各過十億佛刹微塵數世界外各有十億佛刹微塵數一切證法金剛藏菩薩

摩訶薩 又十方法界重重無盡一切十地菩薩摩訶薩惟願不捨慈悲降臨道場受我供養

第七會

香花請

一心奉請大方廣佛華嚴經中華藏世界海第七重會法界普光明殿重重無盡法界身雲毗盧遮那如來十剎微塵數道場一切海衆惟願不捨慈悲降臨道場受我供養

香花請

一心奉請十方三世盡虛空界微塵剎土中一切諸佛 又十方各過八十不可說百千億那由他佛剎微塵數世界外各有八十不可說百千億那由他佛剎微塵數一切證法佛同名普賢如來 又十方各過十不可說百千億那由他佛剎微塵數世界外各有十不可說百千億那由他佛剎微塵數證法菩薩本界佛同名普幢自在如來惟願不捨慈悲降臨道場受我供養

香花請

一心奉請大方廣佛華嚴經中圓滿修因契果生解法門惟願文文契意句句冥心顯現道場受我供養

香花請

一心奉請會主普賢菩薩心王菩薩青蓮華藏菩薩寶手菩薩普眼菩薩妙德菩薩摩訶薩等一切海衆 又十方各過十不可說百千億那由他佛剎微塵數世界外各有十不可說百千億那由他佛剎微塵數證法一切普賢菩薩摩訶薩 又十方法界重重無盡一切等覺菩薩摩訶薩惟願不捨慈悲降臨道場受我供養

香華請

一心奉請此世界中二十二處一切菩薩摩訶薩道場一切海衆惟願不捨慈悲降臨道場受我供養

第八會

香花請

一心奉請大方廣佛華嚴經中華藏世界海第八三

會法界普光明殿重重無盡法界身雲毗盧遮那如
來十不可說百千億那由他佛刹微塵數一切菩薩
海衆 又十方世界盡虛空界一切證法諸佛惟願
不捨慈悲降臨道場受我供養

香花請

一心奉請大方廣佛華嚴經中六位圓融果海無礙
法門惟願文文契意句句冥心顯現道場受我供養

香花請

一心奉請問答託法進修成行會主普賢菩薩普慧
菩薩及十普菩薩摩訶薩等道場一切海衆惟願不
捨慈悲降臨道場受我供養

第九會

香花請

一心奉請大方廣佛華嚴經中華藏世界海第九法
界本末二會逝多林中真應交徹一多自在無盡身
雲十身無礙本尊毗盧遮那如來十佛刹微塵數道
場一切海衆惟願不捨慈悲降臨道場受我供養

香花請

一心奉請十方過不可說佛刹微塵數世界海外毗
盧勝德王十佛等彼佛衆中毗盧遮那願光明十菩
薩等與不可說佛刹微塵數菩薩摩訶薩道場一切
海衆惟願不捨慈悲降臨道場受我供養

香花請

一心奉請大方廣佛華嚴經中依人證入果德頓成
法門惟願文文契意句句冥心顯現道場受我供養

香花請

一心奉請頓證法界五百菩薩五百聲聞及與無量
諸世主俱道場一切海衆惟願不捨慈悲降臨道場
受我供養

香花請

一心奉請大方廣佛華嚴經中依人證入果德漸成
法門惟願文文契意句句冥心顯現道場受我供養

香花請

一心奉請漸成法中諸善友發心處諸佛道場一切
海衆 又末會中寄十信位六千比丘諸衆人會一

切海衆惟願不捨慈悲降臨道場受我供養

香花請

一心奉請大方廣佛華嚴經中法界末會十住法門
德雲比丘等十善知識十行法門善見比丘等十善
知識十迴向法門青蓮華長者等十善知識十地法
門婆珊婆演底主夜神十善知識等覺法門摩耶聖
者等十一人善知識攝德成行法門彌勒菩薩摩訶
薩智照無二法門文殊師利菩薩摩訶薩顯因廣大
法門普賢菩薩摩訶薩 又百十善知識三千大千
世界微塵數一切大善知識惟願不捨慈悲降臨道
場受我供養

香花請

一心奉請大方廣佛華嚴經中圓器上根百城求法
一生之內菩薩行圓爲末世頓門修證軌範善財菩
薩摩訶薩惟願不捨慈悲降臨道場受我供養

香花請

一心奉請法界盡虛空界十方三世一切諸佛法身
色身形像舍利寶塔寺宇一切佛事 又於法藏及

講法處菩薩賢聖一切海衆惟願不捨慈悲降臨道
場受我供養

香花請

一心奉請西天東土依此大方廣佛華嚴經中十種
法行自作教他勸讚隨喜一切法師惟願不捨慈悲
降臨道場受我供養

香花請

一心奉請大方廣佛華嚴經中華藏世界海帝網無
盡淨梵帝釋欲界諸天四王八部雜類諸神一切海
衆不違本誓願諸部屬侍從如來降臨道場受我供
養

華嚴海印道場九會請佛儀終

大方廣佛華嚴經海印道場十重行願常備禮懺儀

卷第一

唐 闍山靈巖慈恩等諸國師行誨慈覺依經錄

宋 蒼山載光寺沙門普瑞補註

明 欽衷忠義忠蓋四川布政佛弟子木增訂正

雞山寂光寺沙門讀微參閱

天台習教觀沙門正止治定

第一响

一切恭敬敬禮無盡三寶

第一廣修供養

依華嚴別開之教此十重行願者是攝入現世無盡境
界之妙門也諸大衆等審諦思惟此十重行願落有三
門○一若依總相者經云廣說如來不可思議功德已
若欲成就此功德門應修十種廣大行願彼行願者今
若具說六相圓滿十重立門有獨成諸行願成諸行若
依德相法體本具若依業用隨機妙現若依性起本來
自具若依緣起應新觀修因果圓融互相無礙因該果
海故初發心時即成正覺果徹因源故雖得佛果不捨
因門俱是俱非互遣雙拂解境行有四句六句彼入是
能入之門由此沒果海中故名不可思議品也○二依
別教行布圓融說者前十門名是行布也結歸之中有
於圓融學一具餘周遍含容一多自在廣狹無礙有體
無體有力無力相入相即句數有多如華嚴大疏中此
無方法者如選攝超羣而不可定於一方由此發心
一門中滅除帝網一切罪障圓滿帝網一切功德餘門
亦爾清涼大師云若不能見聞此無邊無盡之境普賢

行願無由得成也若不能具修遷起欣求受樂之心現
修儀者十支門中依一門修如杜撰三觀及大疏中說
○第三依於同教引劣機故攝於餘類由此疏中名備
攝門也今依三別門如常教說○一證敬諸佛斷除七
慢九慢十慢等障獲得淨貴自在之身圓滿八萬四千
相好○一稱讚如來斷除口四重障獲得四無礙解舌
相圓滿具足十聖圓音○三廣修供養諸聖喜悅所修
供養功能者福足增盛獲得攝授二種成就不修供養
過失者所作不成諸不稱意○四發悔業障斷除四障
十障成就世出世間一切功德獲妙好依報正報○五
隨喜功德斷除不樂他榮族妒等障獲得不可稱量
之福○一功德斷除不樂他榮族妒等障獲得不可稱量
法等障獲得多聞聰慧不共功德○七諸佛住世斷除
憍慢斷除害佛及僧嫉妬不共功德○七諸佛住世斷除
金剛不壞長壽之身○八常隨佛學斷除違佛及諸善
知識不能積聚功德○九恒順眾生斷除違逆等障獲得
及苦隨無盡功德○十普皆迴向斷除狹劣不發菩
提心障得十度圓滿獲十身果其發願者新除無量及
退轉障也前說功德悉皆圓滿現生極樂後遊華藏今
依別教除障功德此等學之彼一生成佛後遊華藏今
本疏中說古師但修一種證
得大手印成就淨除苦惱矣

是諸衆等人各胡跪嚴持香華如法供養願此供海
雲徧滿十方界阿僧祇寶阿僧祇華阿僧祇髮阿僧
祇衣阿僧祇蓋阿僧祇幢阿僧祇幡阿僧祇莊嚴具
阿僧祇給侍阿僧祇塗飾地阿僧祇塗香阿僧祇末
香阿僧祇和香阿僧祇燒香阿僧祇深信阿僧祇愛
樂阿僧祇淨心阿僧祇尊重阿僧祇讚歎阿僧祇禮

敬阿僧祇寶座阿僧祇華座阿僧祇香座阿僧祇髮座阿僧祇旃檀座阿僧祇衣座阿僧祇金剛座阿僧祇摩尼座阿僧祇寶繪座阿僧祇寶色座阿僧祇寶經行處阿僧祇華經行處阿僧祇香經行處阿僧祇髮經行處阿僧祇衣經行處阿僧祇寶間錯經行處阿僧祇一切寶繪經行處阿僧祇一切寶多羅樹經行處阿僧祇一切寶欄楯經行處阿僧祇一切寶鈴網彌覆經行處阿僧祇一切寶宮殿阿僧祇一切華宮殿阿僧祇一切香宮殿阿僧祇一切曼宮殿阿僧祇一切旃檀宮殿阿僧祇一切堅固妙香藏宮殿阿僧祇一切金剛宮殿阿僧祇一切摩尼宮殿皆悉殊妙出過諸天阿僧祇諸雜寶樹阿僧祇種種香樹阿僧祇諸寶衣樹阿僧祇諸音樂樹阿僧祇寶莊嚴具樹阿僧祇妙音聲樹阿僧祇無厭寶樹阿僧祇寶繪綵樹阿僧祇寶璫樹阿僧祇一切華香幢幡鬘蓋所嚴飾樹如是等樹扶疎蔭映莊嚴宮殿其諸宮殿復有阿僧祇軒檻莊嚴阿僧祇牕牖莊嚴阿僧祇門闔莊嚴阿僧祇樓閣莊嚴阿僧祇半月莊嚴阿僧祇

帳莊嚴阿僧祇金剛彌覆其上阿僧祇香周匝普熏阿僧祇衣敷布其地佛子菩薩以如是等諸供養具於無量無數不可說不可說劫中淨心尊重恭敬供養一切諸佛恒不退轉無有休息一一如來滅度之後所有舍利悉亦如是恭敬供養受此香華雲以成光明臺廣於無邊界無量無邊願作佛事

問此文及下經中皆云香華遍滿十方界供養等者如阿僧祇如是等多供養具得供如上等多佛耶答准華嚴緣起章第三供養門中云菩薩凡所施設乃至一香一華一次一蓋供養具無不稱其理等虛空界即以全法界之身遊諸佛刹稱其之物供養於佛是故菩薩不虛行於所修諸佛恒不失時一切供具常稱理而成就何以故法施於佛稱其理故釋曰准此云一香一華等又云常稱理而成就者即知經中所列皆以稱理即一之多等也故修行者但安心觀行物物自多皆備諸佛也故云顯此香華雲遍滿十方界供養一切佛○次下經說迷心中供養比觀行供養百千萬俱胝那由他迦羅算喻沙陀不及一也皆言天者是自然義表法界中法爾有如是不思議用也皆言雲者是隨緣義表由行願力故見也謂此供是色相顯然智照無性從法空無生法起能見所見迥無所依應用而來無所從用謝而去無所至而能含慈潤澤法雨益萬物以重重無盡有雲象焉

次奉施寶錯

寶珠自性廣大海

七寶山等最殊勝

出興如斯供養雲

諸佛等處我奉獻

唵薩唎末怛達遏怛囉得捺布梭銘遏薩摩囉囉悉
愛囉捺薩麻英吽

寶錯經云有一總持名無量種呪皆能成就具大功
能總持曰

唵悉麻囉悉麻囉眉麻捺悉葛囉麻曷令嚩幹吽
寶錯總持云以金銀銅石等作寶錯時於曼捺辣上
至如來像於如來及菩薩勇識婆羅門仙人六趣餓
鬼等處奉此寶錯故隨自所求種種宮殿種種幔帳
種種象馬種種車乘種種七寶種種衣服種種飲食
等悉能成辦又從無始以來一切宿債悉能償還今
略集之廣如經說又迴向輪經云誦此祕密真言畢
已卽成隨意天大妙供養雲現一切佛前若善男子
善女人一心觀佛或晝或夜誦此迴向輪故善男子
善女人諸罪消滅一切煩惱漸漸微薄能獲一切種
種功德若誦一遍得梵天之福夢中常得見佛命終
已後得生極樂淨土廣如經說

次結廣大不空摩尼印呪

二手金剛合掌二頭指豎加寶形豎豎
二大指卽成誦不空摩尼供養陀羅尼

唵呬麼遏布嚩囉囉巴能麻末唎哈怛達遏怛眉浪
雞叮薩慢怛不囉薩囉吽

此廣大不空摩尼供養陀羅尼總誦三遍則成於無
量壽如來集會及無邊刹土中雨無量廣大供養所
謂種種塗香雲海種種花鬘雲海種種燒香雲海種
種天妙飲食雲海種種天妙衣服雲海種種摩尼光
明燈燭雲海種種幢幡寶帳寶蓋雲海種種天妙音
樂雲海普於諸佛菩薩衆會等處成真實廣大供養
由結印誦此陀羅尼供養故獲得無量福聚猶如虛
空無有邊際世世常生一切如來大集會中蓮華化
生得五神通分身百億能於雜染世界拔濟苦惱衆
生皆令安樂卽於現世受無量果報當來得生淨土
此道場儀中集呪印者卽是密法中末世時修行者不
依密呪助護難以親行成就也夫供養有二門一男本
源自注供養二諸密法助緣供養此中亦有二種一寶
錯供養二呪印供養皆依密法又前卽觀念性起供養
此卽緣起新成供養皆含攝故成於緣性圓融供養之
海向下讚歎敬禮念佛旋繞誦經并呪等無不如是衆
知等應

供養已至心歸命禮本尊毗盧遮那佛

第二稱讚如來門

諸三寶已五盤投地頂禮佛足端身威儀一心佇立面向法座繞香散華意中觀想三寶微妙功德隨即不捨誦曰

一梵音讚佛

如來妙色身 色相不思議 見者生歡喜
恭敬信樂法 十方國土海 無量無邊佛
咸於念念中 各各現神通 大智諸菩薩
深入於法海 佛力所加持 能知此方便

二直言讚佛

○讚佛功德

十力大雄最無上 譬如虛空無等等
境界廣大不可量 功德第一超世間
十力功德無邊量 心意思量所不及
人中師子一法門 衆生億劫莫能知
十方國土碎爲塵 或有數計知其數
如來一毛功德量 千萬億劫無能說
如人持尺量虛空 復有隨行計其數
虛空邊際不可得 如來境界亦如是
或有能於刹那頃 悉知三世衆生心

設經衆生數等劫 不可知佛一念性
譬如法界徧一切 不可見取爲一切
十力境界亦復然 徧於一切非一切

○讚法功德

欲具演說一句法 阿僧祇劫無有盡
而令文義各不同 菩薩以此初發心
光中現佛不可說 佛所說法不可說
法中妙偈不可說 聞偈得解不可說
不可說解念念中 顯了真諦不可說
示現未來一切佛 常演說法無窮盡
一一佛法不可說 種種清淨不可說
出妙音聲不可說 轉正法輪不可說
於彼一一法輪中 演修多羅不可說
於彼一一修多羅 分別法門不可說
於彼一一法門中 又說諸法不可說
於彼一一諸法中 調伏衆生不可說
或復於一毛端處 不可說劫常安住
如一毛端餘悉然 所住劫數皆如是

○讚僧功德

菩薩功德無有邊

假使無量無邊佛

何況世間天及人

能於無量無邊劫

一切衆生數易知

如是普賢諸佛子

一毛度空可知邊

如是大仙諸仙子

十萬刹土碎微塵

毛端度空能知量

我等衆會於日初分禮讚功德所獲善根迴向一切

衆生海願皆永離纏蓋成種智道

故此經中列聖數佛已次云我當悉以甚深信解現前

知見各以出過辯才天女微妙舌根出無盡音聲言詞

稱讚如來功德海當知必須親智明白

方得能讚所讚皆如海深廣無盡也

讚歎已至心歸命禮本尊毗盧遮那佛

第三禮敬諸佛

既讚歎竟應當一心正身威儀次第禮佛禮佛之法當

形如水中月分明了如對目前受我禮拜於一一佛
皆如是用心以名召體而證之不得散亂又須自知身
頭面體教準如三摩三昧證佛觀門優劣有七一我觀
二項和證此相深法性證能所相五起用禮觀身
輪著地證此相深法性證能所相五起用禮觀身
與佛皆從緣起如幻如影普運身心遍證一切六內觀
證但證身內法身真佛不緣他佛七實相證若內若外
若凡若佛同一實相見佛可證亦是邪見觀身實相觀
佛亦然名平等證故云殊云不生不滅故敬禮無所觀
等然後四證皆屬觀行謂第四空觀證真諦佛入法之
性故五假觀證俗諦佛從體起用故六中觀證第一義
諦佛不計空色直見本覺真性故七則三觀一心證三
諦一境佛不取其真棄假混絕無寄故然今七禮經文既
是隨相門中且當第三第五也心心恭敬故念念觀身
觀佛從法隨緣如幻如影故餘無相證等是下難相觀念
之義然則證三例圓明只於身口恭敬禮時作此觀智
非爲身口都不證禮但將無相證等以當禮佛善須思之
若以觀智便名證佛不須身證第三中亦應但以恭敬
便爲證佛不合運於身口義例如此豈不誤焉問大乘
宗以意地起把即名破戒何妨例此心證即成功德客
彼意中作念的擬運身口行殺盜等心念成就竟無悔
意故即名破戒今但的擬運身口行殺盜等心念成就竟無悔
定竟無悔證未遂發淨道場作證之問灼然已生功
德若無意擬運身口元無功德如本無意擬運身口元
無罪也然觀智既成現境常見住坐臥證不問斷但
觀心不退自然流注如受惡律儀之人殺等之心念念
流注不必正殺正盜也受惡律儀者作屠戮劫賊等業
也問第五證中云能所皆如影像影像無心如何得證
義成答即念念恭敬之心亦如影也世間鏡之類但見
色影不能見聲香味觸及心之所等也作此觀時先觀自身
空界見色聲等及心心所等也作此觀時先觀自身
即是無明勢分從染緣而起今以正智觀空無自性全體
即是一真法界然後觀此法界不守自性常能隨緣而
起遂證拜恭敬一心歸投託諸佛及法義淨緣引起身
心及佛隨此淨緣起爲身心及佛如影從鏡見既我身

心無性合於法界法界無所不偏故我身心隨所依法
界亦無所不偏無所不盡故云偏體一切也第六中云
身內真佛者如鑒中有大經卷如弊布裏其金如焦模
中佛像如器中銀之聲音也此既有其假內外相對非
一向混相則亦當此隨念中也準華嚴宗復有自他融
攝之證具足四句一者一身證多佛彼經云一一身偏
證不可說不可說佛剎微塵數佛又云菩薩應知自心
念念常有佛成正覺一切眾生亦復如是念念悉有佛
成正覺二者多身證一佛經云一一佛所現不可說不
可說佛剎微塵數身又云如來成正覺時於其身中普
見一切眾生成正覺三者一身證一佛四者多身證多
佛彼經云如來成正覺時入善覺智三昧見一切眾生
徧等身住於身中乃至一毛孔中有一切眾生數等身
徧法界一切毛孔悉亦如是無有少許處空無佛身釋
曰但以隨舉一身對佛隨舉一佛對身及對文說後結
為四句然實身數等皆無盡也問何以修行人身如是
一一同佛無盡耶答曰因緣備故彼經云我以普賢行
願力故此是法力即緣也又云起深信解如對目前此
是自力即因也深解即是勝解勝解者決定印持也謂
以普賢法力見一切境皆是佛境以深解智力印可攝
持如上佛境在心如目前也謂不依識則心是見佛
定相境即融通佛境於心依智不依識則心是見佛
之心故彼經云一切法無生一切法無滅若能如是解
諸佛常現前故彼經結禮佛云虛空界盡眾生界盡
生業盡我此禮敬無有窮盡念念相續無有間斷身語
意業無有疲厭供養稱讚十種行願一一如此結之即
知若不以此普賢觀行之力如何得念念不斷耶智者審
思此文無以生滅之心取相
之禮而為禮讚供養等也

南無大方廣佛華嚴經中毗盧遮那眾生身

十方盡歸命 滅罪增淨信 願生華藏海

極樂淨土中

南無大方廣佛華嚴經中毗盧遮那國土身偈同上

南無大方廣佛華嚴經中毗盧遮那業報身偈同上

南無大方廣佛華嚴經中毗盧遮那聲聞身偈同上

南無大方廣佛華嚴經中毗盧遮那獨覺身偈同上

南無大方廣佛華嚴經中毗盧遮那菩薩身偈同上

南無大方廣佛華嚴經中毗盧遮那如來身偈同上

南無大方廣佛華嚴經中毗盧遮那智身偈同上

南無大方廣佛華嚴經中毗盧遮那法身偈同上

南無大方廣佛華嚴經中毗盧遮那虚空身偈同上

南無大方廣佛華嚴經中毗盧遮那四萬五千偈三

十九品略本經

十方盡歸命 滅罪增淨信 願生華藏海

極樂淨土中

南無大方廣佛華嚴經中毗盧遮那十萬偈四十八

品下本經偈同上

南無大方廣佛華嚴經中毗盧遮那四十九萬八千

八百偈一千二百品中本經偈同上

南無大方廣佛華嚴經中毗盧遮那十三千大千世

界微塵數偈一四天下微塵數品上本經偈同上

南無大方廣佛華嚴經中毗盧遮那海雲能持普眼

經偈同上

南無大方廣佛華嚴經中毗盧遮那同說經偈同上

南無大方廣佛華嚴經中毗盧遮那異說經偈同上

南無大方廣佛華嚴經中毗盧遮那主伴經偈同上

南無大方廣佛華嚴經中毗盧遮那眷屬經偈同上

南無大方廣佛華嚴經中毗盧遮那圓滿經偈同上

南無大方廣佛華嚴經中毗盧遮那普賢文殊等同

生一切海衆

十方盡歸命

減罪增淨信

願生華藏海

極樂淨土中

南無大方廣佛華嚴經中毗盧遮那三十九類異生

一切海衆偈同上

南無大方廣佛華嚴經中毗盧遮那依口光召於眉

間一切海衆偈同上

南無大方廣佛華嚴經中毗盧遮那及樹內衆宮殿

內衆生內衆等一切海衆偈同上

次爲諸部衆禮敬三寶自下日初時
分依此應禮

爲梵王帝釋三十三天福德增盛故敬禮常住三寶

爲四天王龍神八部日月星宿增盛威光故敬禮

常住三寶

爲當今皇帝聖壽無窮弘揚正法故敬禮常住三寶

爲皇后貴妃公主太子諸王福延萬葉深信正法故

敬禮常住三寶

爲文武官僚天下黎民信樂佛法故敬禮常住三寶

爲師僧知識同會善友十方施主三塗八難願得難

障解脫故敬禮常住三寶

爲山神地神海神江神河神樹神晝神夜神空澤神

苗稼神飲食神草木神水火風神主空主藥主城

主宅諸神靈等減罪增福故敬禮常住三寶

爲國界安寧災危殄滅佛事興隆法輪永轉故敬禮

常住三寶

爲珠魔羅界十八獄帝三十大王三十三王三十六

王十八獄主主命主攝無毒諸鬼王等願得離苦

解脫故敬禮常住三寶